


爾雅新義

三







義新

撰個 陸

王雲五主編

叢書集成初編

爾雅新義  
三冊


中華民國二十六年六月初版

撰者 陸 佃

發行人 王 雲 五  
上海河南路

印刷所 商務印書館  
上海河南路

發行所 商務印書館  
上海及各埠



叢書集成

初編

主編者  
王雲五

商務印書館發行

爾雅新義卷第十四

宋陸佃撰

釋木第十四

栲山榎

所謂夏楚榎政官之事楚刑官之事榎以正之楚以齊之榎音假尙假借焉楚痛矣且條所踏也故栲亦或謂之條有條有梅有可以構之材也有紀有堂有可以構之基也所謂始爲諸侯

栲山榎

栲疑於有樂又疑於有憂也據舞號零也若所謂木雁不能考矣

柏栲

伯用詘象此焉

髡栲

椴栲

可以段亦可以析詩曰析薪栲矣

梅栲

所謂栲梓美材也能受飾焉若豫章其爲章豫矣

被粘

粘亦美材能受飾焉字或作杉以此孔子曰朽木不可雕也

廢椳

至誠無息假乃有廢爾

枉櫪

枉所以壽也莊子曰熊經鳥申爲壽而已矣一名土檀言雖壽有疆也

楸木瓜



花小而果大謂之楹以此今一種如木瓜而圓無鼻俗謂之木桃木瓜似瓜而木木桃木李似桃似李而木若謂桃李不應曰木桃木李又五果桃爲下李不應在後也小雅曰投我以桃報之以李

掠卽來

以涼而至其卽也來若州公寔來遇我也

榭榭

成例矣緩也

獲落

落而後穫之穫薪如此其他可知也

柚條

條所由也書曰厥草惟繇厥木惟條柚或作櫛以此  
列子曰子以公孫龍之鳴皆條也橘譎而不正柚正  
而不譎音从猶豫橘有時而甘柚雖久猶如此也

時英梅

善乘時英也桀乘木進矣易曰乘木舟虛也今江淮  
閒俗呼時前半月爲梅後半月爲時豈以梅熟在前  
時熟在後歟

椶栒柳

榭籽

籽蓋如籽知翕張焉藍之爲青莫之爲紫槐之爲黃  
茜之爲縹卽其采以爲色者也若櫟之爲阜也染而  
後見櫟實曰椶見乃謂之象

味莖著

味唐石經宋本郭注同邠本有  
艸頭陸氏釋文云莖本今作味

釋草雖有此非重出爲藎莖出之有味未也以是爲  
至是至之著非至之微也

藎莖

有剩有俞知闔闕者也是之謂至詩樞在榆上如此  
杜甘棠

甘所杜也語曰澁如杜然猶如此棠可舍之名詩曰  
召伯所茇卽至室是也

狄臧

臧唐石經經典釋文  
同注疏本皆譌作臧

亂狄也伐之而用臧也

椽貢棊

郭注連上五字爲句釋文以狄  
臧椽爲句陸氏讀法未詳所自

杙繫梅

杙者聊

卽下下句曰杲木有升正也其杲者聊而已若所謂  
逮下蓋亦如此及所欲也逮不得已焉感而後應周  
南之事

魄榘榼

得檀之糟粕而無其精神酸吾不羨焉蜚蚨奚蠹魄  
奚醯雖昏爽不同其自得一也

榦木桂

厚矣故木也列子曰望之似木雞矣桂可食故伐之  
今日侵侵淺事也梟曰侵精曰伐剝之爲侵斬之爲

伐亦棧能侵他木斃之故曰二類相召有是哉

輪無疵

中選無疵病若此伐者也

楛櫝

莊子曰臃腫之與居自道觀之無疵者賤臃腫貴矣

檉河柳

旄澤柳

舍河取澤旄矣

楊蒲柳

詩曰揚之水不流束蒲蒲揚者也

權黃英

卽權黃華也釋草雖有此非重出爲輔小木出之輔  
可與立未可與權

輔小木

所謂輔佐輔小物佐下道詩以此言后妃

杜赤棠

木理色赤禮也宜能杜焉

白者棠

木理色白義矣其下可舍焉莊子曰託宿於義據一宿爲舍

諸慮山梟

諸慮纏縛如之

攝虎梟

天下一致而百慮在攝之而已其斯以爲虎

杞枸繼

父老而傳苟不事事子可以有已矣詩曰集于苞栩  
集于苞杞父知翕張母爲得已焉



杭魚毒

杭石經及宋本同俗本誤作杭

孔子曰小懲而大戒小人之福也仁之而已將以愛之乃以毒之

榲大椒

香盛則毀隨之今俗呼黨子不能無黨也故詩以無朋爲美

楸鼠梓

梓焉而諛鼠也揚子曰宏容而已矣詩於有枸有楸言黃耆所謂歌詩必類耆苟不事事枸禮所謂棋棋

具而已

楓攝攝

善搖亦所以攝攝攝非一攝也彼攝念者攝一而足  
攝是也夏小正曰攝桑萎楊拂桐葩萎楊聽其萎爾  
攝桑攝使勿萎焉拂桐葩懼其萎也故拂之然去攝  
遠矣

寓木宛童

童撞前宛童往而有反若唐蕩也故詩以宛刺蕩

無姑其實夷

無姑矣其實夷可也

櫟其實棗

樂易矣其實棗可也一名柞以不才生昨日之事也  
又讀如作燎而生之作也又讀如窄除木曰柞以爲  
礙也而除之窄故也若堯用鯀大矣哉

槎羅

遂之矣於是羅之莪羅羅也蜚羅羅也槎羅羅也

楔荆桃

以右契左有責而已夷狄之道也不言楚荆進而後

爲楚

施冬桃

桃以夏熟爲正冬而熟旄矣

桴桃山桃

桴桃桃不契山桃也一名地桃据析薪地矣

休無實李

可休而已

痊接慮李

案痊釋文同或从广非或又从木亦非接或从手米本郭注从木

樹卑整冠之嫌所當慮也

駮赤李

駮赤李東南也駮白駮西南也剛柔雜於東南至西南而成章

棗壺棗

土果也以中央大爲正

邊要棗

壺棗在中要棗邊矣所謂轆轤鹿盧也鹿盧有玉焉能運而上之有至千歲不死者

檇白棗

棗赤而櫛白齊者也凡齊如之書曰惟齊非齊堯桀齊也彭殤齊也鵬鷗齊也鳧鶴齊也

棧酸棗

棗甘而棧酸棗屬而貳者也亦貳之道宜如此若據亦同也何足以知之

楊徹齊棗

遵羊棗

今俗呼軟棗謂之遵不貳者也亦軟故有遵焉

洗大棗

於是焉洗可也洗大者之事棗曰新之主此焉

煮填棗

今木棗是也煮使不木焉夏小正曰煮桃桃也者地

桃也

蹶泄苦棗

泄石經太平御覽同邢本作洩

雖苦猶如此櫟社曰若將比予於文木耶實熟則剝則辱大枝折小枝泄此以其能苦其生者也

皙無實棗

以不花實故能皙若此莊子曰肌膚若冰雪有是哉

還味檢棗

檢釋文宋本郭注皆从木或作稔非

言味還當復念之亦雖未還宜念也慮當在先念常在後或曰橄欖是也敢則能犯覽則能受人有餘甘者苦其初也甘其餘也

櫬梧

橐鄂皆五梧也子著其橐雖隕猶著親也亦親之也

故梧之若枝有支而已

樸枹者謂

注疏木謂字在下孫舍人本作巢讀與此同謂樸之枹者名巢也說文巢作簫亦即蝟字

本从胃得聲故譌為謂也 舛 覲 鑿 陸氏巢自裏正義也又曰謂之而後知新義也但未改字耳或改字



而傳寫者拘泥  
而仍其舊者歟

櫟有棗彙自裹其卒染黑初未見也謂之而後知

櫟采薪采薪卽薪

卽之也者親之也所謂納采蓋取諸此詩言析薪束  
薪亦是意凡經以轉相釋錄之也若唐蒙女蘿女蘿  
兔絲蝶螈蜥蜴蝮蛇守宮之類是故曰春  
秋詞繁而不殺者正也卽屢見焉亦錄之若薜廋草  
薜牡薺薜山蘄皇黃鳥倉庚商庚鷺黃楚雀倉庚鷺  
黃之類是卽備見焉亦錄之若蜩蜋螭蟪蜩螽蜻蜻

蠶茅蝮蝮馬蝮蝮寒蝮蝮蝮蝮蝮蝮蝮蝮荷芙蕖其莖茄其  
葉蓮其本蕊其華苗蓓其實蓮其根藕其中的的中  
薏之類是故曰言之重詞之復其中必有美者焉

椌楸其

一故可其速故可其詩曰期逝不至椌今來禽是歟  
似柰而赤疾熟速者也夫惟速自然不柰也

劉劉杙

子核堅故謂之劉老子曰堅強者死之徒

櫬槐大葉而黑

葉大而黑爲其有所懷也

守宮槐葉晝聶宵炕

晝以水聶宵以火炕以守其宮至矣若守人之宮乃其緒餘

槐小葉曰榎

葉小而不黑花或耗之槐花以夏故命之如此

大而鞞楸

楸原本作椒案別本皆作楸玩下節注則陸氏未嘗作椒字解也今改正

自懷至此以皮與葉名之荀子曰玉在山而木潤珠

生淵而崖不枯

小而敲榎

老而敲猶可也小而敲甚矣榦冬也楸秋也榎夏也  
椿春也設以木名官則椿爲宗伯榎司馬楸司寇梓  
冢宰

椅梓

梓所倚也孔子曰危而不持顛而不扶則將焉用彼  
相矣

檇赤棟

葉有鋸刺宜有夷也亦赤禮也宜能有夷

白者棟

葉員而已宜有刺也亦白義也宜能有刺所謂無姑

其實夷如此

員一本  
作負

終牛棘

終其天年者也

灌木叢木

灌上下見若漢陰丈人知其一不知其二異是矣

癩木苻婁

木病偃僂臃腫有懷焉癩有懷之病也據癩懷羊詩

曰譬彼壞木壞人之不懷懷乃所以壞

蕢藹

枹有囊韜蕢菴藹而已藹藹而知之謂謂而後知之

枹適木

節目盤結適矣

魁癭

有魁而已無枝柄也

械白梭

以義爲分域安矣

梨山檣

檣粘著以能遯而利

桑辨有甚梔

辨注疏本作辨郭云辨半也此注云一名辨是陸氏本作辨不作辨也

桑一名辨有甚者爲梔鳩食之或醉謂之卮以此桑女事也故寄意焉梔可染謂之梔亦以此梔言以色則醉猶茹蘆在阪言以色則險阻也

女桑棗桑

夷有常焉女子之事

榆白枌

俞而義有別者也堯於岳曰俞又曰吁咈哉詩曰東門之枌宛邱之栩枌有別栩知翁張宛邱往而有反唐棣移

唐棣偏然反非常行之道唐也一名夫移夫子制義與物推移櫟能遠患在上駁能禦患在下穆公之業也棣可以權在上櫟可與立在下穆公之業進矣

常棣棣

常棣常也華鄂相逮下承上覆詩曰鄂不韡韡正言鄂其承之也患或不鄂所謂韡韡以韋爲韡



檟苦茶

郭氏謂早采者爲茶晚取者爲茗一名荈名荈事也  
爲名苦矣爲名舛矣莊子曰名成者虧

檟樸心

凡木速成皆火也檟樸速成也柳亦速成也然檟樸  
心火也柳味火檟樸大火也柳鶉火

榮桐木

榮瘁雖異其同歸於盡一也

棧木干木

以有所干故其殘如此

麋桑山桑

麋厭散木焉故敝菑翳之上詩先其菑其翳後其麋其柘以此

木自斃

直木先伐自斃之道

立死

莫仆之而死菑也春秋傳曰天曰災詩曰作之屏之其菑其翳作之而不得於是屏之先王之政也

蔽者翳

案蔽釋文宋本郭注同虛氏文弼云邢本亦作弊字大誤

有蔽之者所謂菑管榘菑也翳管也翳目所生管又爲瘦瘦亦目所生也子夏一則以癭有是哉

木相磨櫛

曲直形也相磨而上勢也學記曰相觀而善之謂摩磨之字从麻从石麻者道也石者事也

楛敲

楛皮之事故與梢敝言之其敲也以其昔也

梢梢櫛

梢遠揚甚權則不任據無枝爲檄

爾雅新義卷第十四

譚瑩玉生覆校

爾雅新義卷第十五

宋陸佃撰

釋木

樅松葉柏身

樅身葉皆直所謂虛業維樅如此三分天下有其二以服事殷可謂樅矣

檜柏葉松身

檜身葉皆曲所謂檜楫欲以曲而會之

句如羽喬

句如羽喬句如髮樛也上句曰喬命之曰喬小枝上  
繚爲喬以爲喬而已

下句曰杲

上句曰喬

如木楸曰喬

木故能楸木故能謹木故能竦驚不散遷其謂之木  
如此

如竹箭曰苞

如松柏曰茂如槐曰茂

松柏冬茂槐暑茂

祝州木

祝唐石經宋本郭注鄭樵注本皆从示邢本从木

髦柔英

槐棘醜喬

桑柳醜條

椒櫞醜菜

櫞一名藪以辛致果記曰三牲用藪必或生之已乃殺之

桃李醜核



若桃李雖核不愧矣桃金果也李木也有仁義存焉  
核是也

瓜曰華之

華離之如華削瓜以是爲正記曰天子樹瓜華不斂  
藏之種也

桃曰膽之

若所謂以黍雪桃膽之也

棗李曰寔之

詩曰願言則寔凡有所系寔矣寔通於帶如此

櫛黎曰鑽之

憲者以新者名之鑽之以名久者凡果墮爛無憲新無艸也鑽內則作攢爲其鑽之也故能攢之卽蠹不去雖欲攢之不能也

小枝上繚爲喬

無枝爲檄

檄卽所謂擢也擢之也乃所以激之也檄賞之事擗罰之事

木族生爲灌

詩所謂其灌是也癭貶於癭木灌貶於灌木

釋蟲第十五

蝻天蝮

姑於婁土姑天事也人以爲姑天以爲慤

蜚蠊蟹

今俗呼氣盤氣若蘆葩之所下臭也

蟻衝入耳

蟻衝百足蟻無一焉自蟻觀之可謂衍矣

蝟

蝟所養也蟬蛻而去之所謂不蝟王蚊蟬是歟堯禪  
舜蟬也協和萬邦蝟也

蝟蝟

夏小正曰蝟蝟五彩具有文章而蛻可謂良矣中國  
之道也

塘蝟

塘無五色如是而蛻蕩矣詩曰如蝟如塘如沸如羹  
如蝟矣如塘可也如沸也宜如羹焉若所謂子之湯  
兮有沸而已夏小正曰塘蝟者蝟以偃則可以作則

不可

蝻蜻蜻

積精而後化君子以爲蟬病也若蠶者直矣

蠶茅蜩

截而見道以鳩故也

蝻馬蜩

勉而後化非龍德矣

蜺寒蜩

寒以是爲倪一名寒蜺鳴將寒之候也蓋其後又有

至者焉元冬是已

蜓蟻蠅

昔車走穢場今鳴廷木舍卑穢趨高潔一名奚鹿孔子曰朝聞道夕死可矣一名蠹蛄一名蛄蛄提勞者也一名蛄蟻提樂者也若蛄蟻者定也若蠹蛄者慧也花出淤泥而果成學佛者好之蜩出卑穢而彫蛻學仙者好之是以君子盡心焉

蛄蟻蛻蜩

處人所惡很而上人者也化而五色良矣

蝸蝓蝓

所謂蝸蝓如此在所曷焉

蟻齧桑

直犯我焉非復蝓蝓也齊桓公攘夷狄以其如之

諸慮奚相

卽山臬也非重出爲蜉蝣出之蜉蝣大略諸慮擾擾萬緒起矣謂之奚相君子不顧也

蜉蝣渠略

朝不保夕可謂巨略矣蟋蟀已煩蜉蝣大略故曰季

眞之莫爲接子之或使在物一曲夏小正曰蜉蝣有  
殷殷衆且盛也雖衆且盛須臾而已詩曰爲猶將多  
爾居徒幾何

### 蚋蟻

黃正色綠閒色綠黃之所并蚋有後而已一名發皇  
聲發於蝗詩曰五月斯螽動股六月莎鷄振羽

### 蠃與父守瓜

瓜性善腐蠃則守之似有道者四蟲所生自腐蠃始  
亦或謂之蠃與生之者母也始之者父也蠃與父也



不蝟王父也

蝟螻

柔地道也不能無厖若殼慤矣

不蝟王蛟

蝟其形也不蝟使形者也莊子曰方且與物化而未始有恆可以爲眾父而不可以爲眾父父

蝟螻強蚌

賊米少姑施焉芋楚姓也君子不爲己甚雖若強楚苟爲害細姑施之可也卽爲害大於是攘之

不過螳蟻

前有所當卻有所顧是之謂不過卽若螳螂過矣見  
得而忘其形

其子蟬蛸

父不過乎物子少卑之肖矣所謂螻蟴以反爲肖據

回風爲飄

疾藜蚱蜢

卽虵殺已而去其卽也且一名疾藜凡卽若疾藜且  
矣

蝮蝮

深埋其子陶其土而復之者也亦蝮有所緣而生焉  
春秋傳曰蝮生不書此何以書幸之也

蟋蟀

與眾共之帥者也婦人夜作聞之而警語曰促織鳴  
懶婦驚

蝮蝮

蝮馬

蝮百足宜閑焉一名馬逐馬所逐也蝮自防蝮人閑

之

阜螽負蟻

嘒嘒而召之趨趨躍而從焉皆用其至故也草螽  
在草阜螽在阜亦男下女者也經上阜螽下草螽亦  
以此

草螽負蟻

阜螽求而後往能自樊矣故草螽下之所謂負蟻如  
此

蜚螽蝻

胡蝶蜻也蜚螽蚣蜻也其胥也有析焉故能若是之  
壽若蝶無是也夷狄之道蝶牒也鰈牒也今蝗俗呼  
疊蟲疊已乃卒其受疊者孔子亦卒欲之爲敝如此  
詩曰五月斯螽動股斯螽斯在上有析之者螽斯斯  
在下自析也自析性也周南之事且詵詵相先也其  
母不妬忌故其子孫雖衆多能相先如此

螿螽蜈蚣

蜚螽析而不繫螿螽繫而不析繫而不析無斥焉可  
也孔子曰於予與何誅螽終者也巖終者也終終者

也 一本作冬  
終者也

土蝨蟻谿

蝗食禾稼不可厭也土蝨廉矣能壤其谿焉今謂之  
土蝨可謂傑矣一名蜉蝣一名虵蝨似蝗而小怒跳  
謂之蜉謂之蝨以此

蠲蚘蟹

所謂邱蚘結謹矣蚘引而申之若於陵仲子可謂堅  
矣

蚕莫豺

案蚕他典切與蠶字音義各別不知何人借作  
蠶字用自唐人已有的案廣韻蠶字注云俗作

蚕今云老而後眠則亦誤作蠶字解至毛刻注疏本  
姜上均本竟改本文蚕字爲蠶字庸妄至此可笑也  
蚕老而後眠莫翁也莊子曰唯蟲能天若蚕是矣

螳螂蚌蚘

怒臂以當車轍以爲牟而丁之過矣故曰堂堂乎張  
也據師也過

蛭負勞

案今所行各家本俱是螳螂蟹蚕句莫翁螳螂  
蚌蚘句蚘蛭負勞句翟氏灑爾雅補郭云蚘蛭負  
勞郭氏以此四字爲一科本自說文揚雄方言乃云  
螳螂謂之蚘則蚘宜合上螳螂蚌而此以蛭負勞三  
字爲科矣翟氏說與此正  
合惟以蚕莫翁爲句未詳

卽下負版以爲輕而負之勞矣此蟲大略如螳螂怒

臂以當車轍忘其力之不足也故敍言之螳螂似義  
蛭利而已

蝮毛蠹

毛物之蠹也蝮之爲害其不可知若白蠹之爲害其  
不可知若黑

螺蛄蝥

苟有所著白亦蛄也黑亦蛄也

蟠鼠負

蟠屈無求焉爾固負我也卽有求我將負爾矣鷓負



雀是也雀淫者鼠貪竊者

蟬白魚

沈溺粘著所味在書據鯁鮎今書淫者守先王之腐  
餘而不能化故告之如此

蝥羅

俄而死矣羅之時也湯祝網是矣記曰蛾子時術  
之俄而生俄而死矣然猶如此

韃天雞

一名酸雞其鳴聲酸所謂寒螿亦以此詩曰六月莎

雞振羽其謂之翰亦以此

傳負版

傳物而負之柳宗元所傳蝻蝻是也

王氏應麟困學紀聞謂傳負版

即柳子所為作蝻蝻傳者殆本諸此

強斲

有界辨焉疆矣春秋辭殺子糾書浚洙以此螳螂謂

之斲父圻父司馬也

螳螂何

即下強醜螳螂度可將焉商而後何

將一本作將

蠅蛹

死人之事勇矣

蜺縊女

縊而死非勇也女之見如此其計畫無復之爾

蚍蜉大螳小者螳

蚍蜉齊魯之閒謂之蚍蜉若象而小駒象也楚辭曰  
赤螳如象蜂有君臣犯而能螫疑於能用鋒螳有君  
臣戰而能還疑於能用凱比於獻俘大者也小者能  
還而已

蠶  
打蠹

蠶中之龍其螫丁又有仁焉故能爲龍所謂克君如此

蠹  
飛蠹

蠹中之尉有翅之者也

其子  
蚘

蠹氏蠹焉  
蚘氏蚘焉

次  
蠹籠蠹

次蠹王事也春秋王次春次春仁也次蠹義也設一

面之羅物觸而後誅之古之人有行之者湯是也

蠶  
蠶  
蠶  
蠶

所謂取亂侮亡誅脅者也

土  
蠶  
蠶

齊桓晉文之事

草  
蠶  
蠶

錢鏐楊行密之事

土  
蠶  
蠶

以信用鋒宋襄公之戰一名蠶信也

木蠹

以仁用鋒文王之戰

蟻蟻

亦蟻之曹也其適雖齊憤矣所謂忿兵如此

蟻蟻

踴而進怒進者也其蟻雖齊或曷之詩曰則莫我敢

曷

蚍威委黍

黍所樹也委之而去則以趨王事故也蚍蟻伊可畏

也詩曰不可畏也名生於不足以可畏也故曰不畏也

蠓蛸長跖

跖一人在內一人在外蠓其靜也肅蛸其靜也悄肅有人而靜悄無人而靜

蛭蝮至掌

蛭一名蝮柔雖善入然至人之掌不能入也蝮衝入耳言有隙可乘者如此蛭蝮至掌言無閒可乘者如此夫苟可乘雖萬足猶能入苟無可乘雖無足不能

入矣今置蜂蠱醜掌中不能螫

國貉蟲蠻

蝮蠃懷土見國而已蝮蟲土蚕所化見國而曉者也  
一名蟲蠻無交也無見也有聲觸之僅能動爾進蟲  
在上能動而已肸肉動也蠻聞聲而肉動所謂肸蠻  
如此

蝮蚘蠖

蚘尺也蚘引也獲於尺信於引按蠖行若今以指步  
尺屈而後伸一名步屈是也方言曰螂蚘謂之尺蠖



螂蜮虺而後卽凡求伸者當如此

果羸蒲盧

蒲盧細腰壺之有盧者也楚辭曰元蜂若壺謂是焉

螟蛉桑蟲

螟蛉有冥有令亦於其冥可令

蜎桑蟲

非桑蟲也在所曷焉亦蟲妬也

螢火卽炤

無所不照無所卽也繼央其英也化而昏螢火其臭

腐也化而爲光耀所謂神奇臭腐其亦何常之有

密肌繼英

密肌蟲也宜密其肌焉螢火有明雖卽可矣所謂繼英卉木未腐英華之所化

蝨烏蠲

蠲獨者也以半屬物旣爲厄矣所謂金厄以是爲厄雖金爲之豈若委蛇就水草耶老子曰何謂寵辱寵爲下此寵也然猶如此

蒙蟻蒙

翳蒙之所生一名醯雞風春雨確知風雨是故謂之雞

王蚨蟴

其網漫然無綱紀文章蕩矣

蠓桑繭

其半屬物不能包者也易曰見乃謂之象

雒由樗繭

所謂顏讐由名此父之讐不與共戴天雒所由也若蠋是歟蚕戴天亦以此

棘繭

繅繭

虻蕭繭

蕭非所託知存而不知亡者也易曰其亡其亡繫于

包桑

案周易釋文云本又作包此書尙存古義往往如此

翥醜罅

翥飛舉也罅謂若蟬蛻者蛻者有取節焉螭醜奮能  
自奮者有取焉強醜捋能自強者有取焉欲而已斯  
爲下扇又其下也郭氏謂罅剖母背而生愧於言翥

同是罅也字育而罅飛翥而罅其相懸如此

蚤醜奮

奮躍也罅以能翥蚤以能奮強以能捋養生經曰流水不腐戶樞不蠹

強醜捋

今俗謂螳螂搖櫓是其一隅

逢醜蝻

以是爲欲是須臾之適爾凡所謂欲如此

蠅醜扇

以有所營故弱

食苗心螟食葉蝻食節賊食根蝨

螟可赦蝻可貸賊賊之可也蝨則用兵矣亦賊歸賊  
也彼賊而我賊之故曰梁亡鄭棄其師我無加損焉  
正名而已矣

有足謂之蟲

蟲有無足卽有足無四足者

無足謂之豸

所謂無足非無足也無蟲足也豸以有豸肉食卽如

蟲六足甚矣董仲舒曰傳之翼者兩其足

爾雅新義卷第十五

譚瑩玉生覆校

爾雅新義卷第十六

宋陸佃撰

釋魚第十六

五蟲不盡六六之數但言三百六十則其長之之數周官所謂其屬各六十蓋如此

鯉鱣

鯉三十六鱣猶未離乎類也故稱鱣焉龍九也魚六而已鮪幾於龍亦化而爲龍詩曰有鱣有鮪敍詩者以爲季冬薦魚春獻鮪則鮪不在魚列明矣驪雖非



鮪然亦非魚也知然者以有驪有魚知之

鮪鮪

鯉有理能脫而爲龍鯉粘著於魚者也

鯉鯉

鯉禮也有文焉戴星禮北爲魚完矣亦禮故完也鯉魚黃鯉魚赤鯉魚白鯉魚黑魴魚青可謂盛多矣

鯉鯉

魚也而吹沙有宅者也

鮪黑鮪

鮒今汙水中白儵魚也以囚故其色茲黑卽相忘無是也所謂焦然尙黜如此莊子曰儵魚出游從容是魚樂也囚而出游樂矣

鮒鮒

鮒可謂適矣其所執下習也

鯉大鯰

磨而不磷可以爲同矣魯人曰柳下惠固可吾固不可小者鯢

鱧生子旋食之至不可食乃脫俗謂之鱧剩言其食

之餘也

鮓大鮓

鮓無鱗倮也能捕魚獲者也獲大者之事春秋傳曰  
旗獲而過我也

小者鮓

小者有逃而已兵法曰不若則能逃之

鮓大鮓

大則跳高跳以爲高如是而已

鮓魚子

混淪未離焉莊子曰鯤之大不知其幾千里也蓋以有形適於無形之境如此

鯨是鯨

此其自言之何惡也魚食之既在不可以畱之域與  
蛄蟹異矣據是職方

鯢小魚

於其小繩之可也

鮓鮓鮓

似鱗而大骨鱗今戎瀘人呼鮓子言鮓鮓則於鮓爲

叔落矣鮪上龍門化而爲龍詩曰有驪有駱馬龍類  
也不爲龍而爲驪下矣

鮪當鮪

以忠鯁得咎非其爲之不能濟矣春秋傳曰南史聞  
太史盡死執簡以往

鯁鯁刀

鯁不食無求焉可以遠害矣

鱖鱖鱖魚

所謂驪馬白跨驕其色如此於鱖爲婦於魚爲妾魚

無以貴高蹶而爲鰈孔子曰孟公綽以爲趙魏老則  
優不可以爲滕薛大夫

魚有力者微

以柔巽用其力微矣若折春蠶之股堪秋蟬之翼近  
是也不稱絕不爲絕也其言者以此據麋絕有力狄  
鹿絕有力麀狼絕有力迅兔絕有力欣豕絕有力麕  
熊罷醜絕有力麀犬絕有力狍牛絕有力欣犴羊絕  
有力奮雞絕有力奮雉絕有力奮馬絕有力駮

鰈鰈

怒跳忿者也異於徽矣

魴鱒

鱒一而足可以取必若一相是矣詩曰九罭之魚鱒

魴

魴鯪

魴不一而足今俗呼芴毗輔我者也詩曰其魚魴鯪  
其魚魴鯪鯪相隸鯪相與初非不貞也使至淫亂不  
能防閑爾

鰲鯪

今鰻鱺也蓋蛟蜃之屬逼於龍矣故謂之鮓據駮牝

驪牡馬龍類也馬退而為魚魚進而為馬極矣案鄭氏樵

爾雅注曰今鰻魚亦呼鰻鰻蓋本此

### 蛭蠃

轉旋井中何有窮已有捐之而已據環謂之捐

### 蛭蟻

能乘閒入肉幾矣易曰知至至之可與幾也

### 科斗活東

擅斗升之水自以為活於東海未有告之大者也



魁陸

魁在陸之名兩而後成魁斗有尾焉魁首而已鵠曰  
明日不雨必有死蚌

蚶蛭

卽上魁陸失水而陸螻蟻之所厄蚶蟻也陶其土而  
穴之

鼃鰻蟾諸

今蚶蛭也背皮不夷有可有不可焉鼃鰻其去也會  
蝦蟆雖致之還常慕而反蟾諸月之諸也亦或謂之

蟾蜍正一而已其餘爲諸亦蟾瞻兔顧陰陽之義也  
所謂銀蟾玉兔以此楚辭曰顧兔在腹兔吐而生蟾  
吐而糞亦吐而生兔無溺所蟾無糞所二物皆視月  
之精華上有應之者也

在水者黽

雖假外水然猶如此音猛則以其怒跳

蛙麤

所謂望元衛外而已若蚌養內者故禮以是爲尊

蚌含漿

老而產珠者外有所採內有所養而後珠生焉故曰  
月有明蚌有珠有所受之也彼羸雖函函在外也彼  
貝雖函函在外也以函易含以此言蚌不言蜃含衆  
欲有丰而已據蜃小者蚘

鼈三足能

鼈跛者也三足而行可謂能矣

龜三足賁

蚘羸蛻蜃

有角虎也觸之則縮俞也蚘羸以殼自裹有時而出

一名蚝胎以此今俗呼鮑羸包者也

羸小者蚶

蚶所含也以能羸爲蛻蛻大者之事羸或作螺以包爲累者也記曰大夫累之知是已

蝟蟻小者螿

謂之蝟蟻容貌不枯者也

蜃小者珧

不能無搖也

龜俯者靈

卽天龜曰靈屬以爲畜者名之

仰者謝

卽地龜曰繹屬以爲卜者名之亦或謂之謝若宋元君之龜觸網而後謝有不及矣王文公曰謝事而去之若射之行矣

前彘諸果

甲彘前非果之正若袒裼暴虎可謂果矣果以爲旗物者名之

後彘諸獵

甲冑後雖以田獵尙非正也然則征伐之旒畫前冑  
田獵畫後冑之龜歟

左倪不類

卽西龜曰靈屬靈以爲尊壘者名之說文云壘龜目  
酒尊

右倪不若

卽北龜曰若屬然則彝畫左倪壘畫右倪之龜歟

貝居陸賧

賧相扶也卽相忘無是矣

在水者蝸

自函而足

大者魴

以得而不知喪戒之

小者鱣

以積而不能散戒之

元貝貽貝餘貶黃白文餘泉白黃文

元貝道也故以爲貽之貝餘貶黃以信爲質且餘也  
故以爲抵之貝餘泉白以義爲質且餘也故以爲泉

之貝

蚘博而類蝸大而險蟻小而橢

博而類銳於爲利者小而橢狹於爲利者大而險汗  
薄於爲利者蚘見利而巴之蝸見利而聚之蟻見利  
而責之貝貨也故命之如此貝目所借貝背也面朝  
後市取之

蝶螭蜥蜴螭蜴蝮蜴守宮也

凡物務末此榮其原其析也存其交也易其行也紆  
其偃也廷一名十二時言日十二時變色譬如雲霞



轉徙無定易謂之易以此

跌蠶

凡性皆善跌而爲此說文云蛇惡毒長也蠍雖螫有時而歇蠶雖螫有時而瘥

騰騰蛇

蛇之自勝者也能騰而不能飛騰馬之事飛龍事也

蟒王蛇

以莽爲節雖大非龍德也據莽數節

蝮虺博三寸首大如擘

毀母腹而生其子生亦復焉老子曰其事好還凡一  
在上爲亢在下爲兀今虺身大首小兀者也

鯢大者謂之鯢

鯢鯢鯢大鯢鯢大者謂之鯢自大視小雖鯨鯢謂之  
鯢

魚枕謂之丁

魚之枕丁猶蛇蟠向壬歟

魚腸謂之乙

魚去乙爲是焉鯨魚以有骨名之乙在目旁食之梗

人不可出雖非此乙然謂之容意可知矣我雖容焉  
爾亦宜乙

魚尾謂之丙

有骨梗焉以尾用首可以操柄矣記曰羞濡魚者進  
尾鳳南方也魚北方皆有文焉若戴仁抱義顯矣

一曰神龜二曰靈龜三曰攝龜四曰寶龜五曰文龜六  
曰筮龜七曰山龜八曰澤龜九曰水龜十曰火龜

神龜神矣靈龜在宮沼攝龜導引而壽者也寶龜天  
子所寶筮龜諸侯所寶臧文仲居蔡蔡筮龜也文龜

甲有文采進於筮龜山澤冰炭也水火胡越也而龜  
襲之如一夫龜何爲者耶龜北方蛇南方之物也而  
爲牝牡鳥南方鼠北方之物也而爲雌雄其曰一曰  
二曰大之也一所以數之曰所以命之

釋鳥第十七

佳其鳩鵒

騅一宿可期焉一妻道也夫或不然似鳩而小不鬪  
鳥之謹慈和孝者也一名祝鳩祝以孝告亦鳩不噎  
之鳥故禮父事三老祝饁在後

鷓鴣鷓鴣

凡所謂事無非戲者滑戲事也嘲亦戲事也鷓鴣氏  
司事以此

鷓鴣鷓鴣

一於鞠養心如結兮是也祝鳩孝鷓鴣慈居鵲之成  
巢而尸之

鷓鴣鷓鴣

鷓鴣猶言脫袴今有鳥其名自呼如此俗說督人脫  
袴春也故督人脫袴夏矣故使人以其笠并耕耘之

候也一名夏鷄又謂之批頰鴉吾出也不反哺焉批之斯可矣淮南子曰烏力勝日而服於雛禮彼以其力我以吾禮

鴟鳩王鴟

其別也至其通也且故詩以況后妃一名鸚有沂鄂焉所謂鸚立如此若榆雉患在不鄂

鴝鴝鴝

鴝至也所鳴民有禍可期焉雛其其也櫟其其也鴝鴝其也鴝老其也

鷓鴣軌

鷓鴣雉也無狡而生有介而死兔宜以是爲軌

汪氏師韓爾雅

補釋曰鷓卽雉之東方曰鷓也汪未見新義所解正同

鷓天狗

今其大者一名魚虎俗謂之翠碧能自搏食可謂立矣然天猶以爲狗焉

鷓天鷓

小而好高飛作聲隨時動作不能自立謬矣莊子曰天時非賢也

鵙鵙鵙

陸所漸也鵙俄而散矣鵙散而降也鵙聚而升焉

鵙麋鵙

麋或从麻作糜案釋文宋本郭注悉作麋釋文云字林作鵙則知作糜者非也

夢境相值倉卒之間爾鵙鵙其妻在壑麋鵙其括在

麋

鵙烏鵙

今俗呼慈烏所謂寒烏入水化爲烏鰂卽此烏也謂

之鵙烏以此且烏曰類也又性慈孝今乃如此自暴

者也自賊者也



爾雅新義卷第十六

譚瑩玉生覆校

爾雅新義卷第十七

宋陸佃撰

釋鳥

舒鴈鷺

鷺飛能俄而已然襲諸人閒視鴈舒焉所謂出如舒  
鴈如此一名駟若鵝可也舒一本無舒字

舒鳧鷺

視鳧雖舒音木則其質木故也舒鳧舒鴈知舒而已  
是以不免其身皆不鞭其後者也內則曰舒鴈翠舒

鳧翠以此

鴝鵒

鬪視不流其睛交據汗出不流所謂交睛旋目是也  
禽經曰交目其名鴝還目其名鸚方目其名鳩

輿鷓鴣

輿載也鷓是歟鷓言性鷓言色先輿頸載在下據鷓  
脊鈕且逃有畏故其首頰兔有愧故其首俛不輿其  
頸者也非潔白者也

鴝鵒鷓

鵙在下之鳥一名鵙澤沔吾澤焉鵙不一而足非長道也鵙从弟鵙从叔其義一也且鵙从叔音从秋春伯也叔秋而已

鷩天鷩

翼張而赤見乾爲之赤也所謂翰音聲音如其顏色文采翰也翰翰是已素亦翰也鷩鷩是已

鷩山鷩

鷩學也翰可與立矣所謂翰雉鷩雉以此顏子曰如有所立卓爾鷩有文采知來事告諸往而知來學者

也

鷓負雀

負爾以吾所味在爾爾小物非所負也西方之書曰  
橫陳之際味如嚼蠟爲是焉釋蟲曰蟬白魚所味在  
書尙如此此可知也

齧齒艾

今俗呼老鸛其艾也以齧齒也道言叩齒之利有如  
此者

鷓鷃老

其老也以鈐其喙也若鸚鵡慧而入籠愧于癡焉

鴈鷁

鵙今家雀也不木止又知襲焉安矣燕室處尤安焉  
夏小正曰元鳥至人人屋室也樊光讀老鴈鷁雖非  
然謂之老意在此雀矣今老雀在人屋室且輒鳴喚  
使人夙興焉且謂之鴈則無所不扈據春扈護春夏  
扈護夏桑扈護桑棘扈護棘

桑扈竊脂

無所不扈雖食安矣竊脂竊食有桑扈之職而竊肉

食焉有危道者也故敘言之

鳩鵲剖葦

蠹去矣葦亦傷焉若斲木是斤也鳩鵲一名蘆虎以其害之以爲僚則可愧于在列鳩刀而已斲有界辨焉

桃蟲鷦其雌鷦

皇道也鳩政而已據艾服官政桃蟲以辛爲義政事勞矣焦矣始於憂勤終於逸樂後其雌皇以此卷阿卒言鳳凰亦以此成王其始桃蟲也至是無爲矣

鷓鳳

鳳凰也鳥偃伏焉亦奉也所尊奉也

其雌皇

鳳皇也則帝鳳矣且鷓非其雌鷓鳳非其雌皇雖勞  
逸不同其爲無助一也

鷓鷓渠

脊令不能自捨有卽而令之者也鷓渠決而復入搖  
之弊有是哉

鷓鷓鷓鷓



腹下白不反哺以其匹居而已以其匹居故其匹與事焉荀子曰妻子具而孝衰於親一名楚烏以此慈孝中國之道也鸞斯斯也蛄斯斯也

燕白脰烏

夫告人之凶危道也然終於燕譽亦由此

鴛鴦母

女爲无妄爲如其母如故其子侔卽有畸非如也列子曰若蛙爲鶉今日之鴛昔日之鸞也今日之鶉昔日之蛙也

密肌繫英

繼英其英之繼繫英其英之繫非重出爲鴛鴦母出  
之鴛所化也繫英亦所化也夏小正曰有翼者爲鳥  
舊周

勸人以歸而不知止將以爲周也乃所以爲舊一名  
子規以此規父尙在可以然之域然亦或舊焉記曰  
立視五舊舊非輪轉之度蓋謂其徑舊啼血無回轉  
是徑也非周也

燕燕鳥

乙在卯燕方乙時以其匹至成巢而生子戴嬀於是時喪其夫其子弑失其所居而去莊姜感所見以興焉其謂之鴝正爲是焉

鴝鴝鴝鴝

寧與其子決毋毀我室也非若哲婦爲鴝爲鴝而以爲鴝鴝故詩以爲未知周公之志

狂茅鴝

茅無町畦畔岸可謂茅矣所謂茅鴝如此左傳慶封汜祭穆子不說使工爲之賦茅鴝亦不知蓋言其鴝

也

怪鴟梟鴟

長而食母悖類反倫可謂怪矣梟梟首木上一名土

梟土梟抱塊爲兒其遭食有以也所謂莠人滅鄒如

此一名去梟

案梟字疑是誤衍

去从到子不孝子也不留不

爲不慈故或謂之鴟鴞留之雖慈其栗在後故或謂  
之留栗今日之害舊所留也故又謂之舊留父子相  
食終於流離故又謂之流離其丁寧告戒如此則以  
父子之間有難處者也

鷓劉疾

好皆故鬪鬪者死道也其取劉疾矣老子曰勇於敢則殺

生哺鷄

仰物焉吾所包廣矣聖人鷓居而鷄食如此

生嚼雛

自食而已所謂生芻一束其人如玉是也

爰居雜縣

於是居焉詩所謂爰居如此魯君悅之而雜之以縣

是所謂以己養養鳥也

春鷹鳩鷓

春鷹促民耕種夏鷹促民耘耔秋鷹收斂冬鷹蓋藏  
四鷹推移分循焉則思不出其位矣

夏鷹竊元秋鷹竊藍冬鷹竊黃

元非夏鷹之事藍非秋鷹之事是之謂竊他放此春  
秋傳曰侵官冒也

桑鷹竊脂

前所謂竊脂與此異然則爾雅鳥獸不嫌同名草木

不嫌同號

棘厲竊丹

棘秋熟據八月剝棗

行厲喑喑宵厲嘖嘖

警晝以惜往喝夜以責來所謂厲民不淫蓋如此惜  
也有喑而已責也故嘖據嘖有煩言

鷓鴣戴鷩

以能勝其任爲義據知天時者冠圓冠一名鷓鴣言  
耕則其腹之畝將在後也一名鷓鴣言不耕則其息

之乏亦將在後一名鷓鴣言其腹或昂或不凡若此  
皆以勸民敷播

鷓鴣

以能有方爲義若非其招不往可謂有方矣

鷓鴣

吐而生可以稱慈矣慈母道也壹妻道也知爲妻然  
後知爲母

鷓鴣其雄鷓鴣牝

鷓鴣淳也不亂其匹與其牝偕不亂其匹故其牝



庠言雖牝猶庠卽雌庠不足云所謂牝鷄之晨雉鳴  
求其牡以其不雌

鷓沈鳧

鷓不能有我俄而死矣鷓不能無受爾汝之實有沈  
而已

鷓頭鷓

幼頭俯首也鷓有沈鷓有俯春秋傳曰元首體之長  
也今稱鷓愧于元矣其謂之頭以此據虞迅頭

鷓鷓寇雉

盜跖曰盜亦有道今憇憇如此患至掇也彼老兔完矣

雀老鷄

不食母首頌完亦狡而夜飛善免完矣謂之老兔以此

鷄鷄鳥

鷄鳥似雉而惑寢鳥似鳳而昏且有是雉也故有是鳳也詩思賢妃貞女以此

狂寢鳥

蓋鷓然如夢之鳥五色而冠其貌像鳳也今乃與鷓

鷓鴣同號何耶書曰罔念作狂豈非信哉

皇黃鳥

倉庚而黃色得中而聲和者也故與鳳之妃同號詩曰交交黃鳥交交禮也一上一下一左一右是之謂交所謂燕燕于飛差池其羽頡之頡之下上其音如此卽若鷓鴣非矣齊高固是也黃鳥良也白駒晨風賢矣詩言白駒欲執維之黃鳥使無集焉以此

翠鷓

名後爲翠爲後而述焉與皇敍言之所謂有鷓有皇

如此周書曰翡翠所以取羽其卒羽也其非亦羽也  
春秋傳曰匹夫無罪懷璧其罪

鷗山鳥

鳥合而近鷗去之而遠特立獨行者也彼集富人之  
屋何哉

蝙蝠服翼

翼有幅若服焉織墨織之使勿過焉春秋傳曰吾不  
敢貪多所謂幅也鼠貪墨者今如此仙矣若蟬蛻亦  
是類

# 晨風鷓

黃鳥性仁晨風有義德焉若秦大夫鑿穆公之側可

謂不食其言矣語信則未也

鷓白鷓

鷓唐石經釋文宋本郭注鄭樵注本皆同俗分爲楊鳥二字大非顧氏金石文字記反以石經

爲誤非也楊此本从手據注鷓揚則非誤字矣陸氏未知何本

詩曰時維鷓揚若大公可也其餘或厥矣兵法曰五

十里而爭利則蹙上將軍

## 寇雉泆泆

於寇之中尙是雉焉據萑老兔夫寇生於淫泆成於

慙慙雉言秩秩在上泆泆在下君子樂道人之善至其惡不得已而後言之

鷓鷯母

真非正生蟲也然蟲之生以真不足據珉之雕雕

鷓須羸

善力而藏之不蛻未善也所須在羸焉鷓鷯一名過羸進於羸一等矣雖綢繆牖戶可也一名鷓鷯指閒有幕鷓也縮之則積辟也

鼯鼠夷由

以其五窮夷狄之道

倉庚商庚

商而庚卽黃有漸也詩曰有鳴倉庚稱有有未有也據七月鳴鶉若所謂倉庚啾啾春晚矣

鳩舖枝

鳩性多熱以枝啗之相鶻經曰鶻血多熱而多錯喉然則鳩舖枝告人以養之道也鷹鷂告人以制之之道也漢五行志顏師古說隼卽今之鳩也字音胡骨切

鷹鵙鳩

鷹飢則爲用飽則颺去善養鷹者使來焉一名鵙鳩  
氣爽而後爲用然則鵙鳩以人用之名之也鵙鳩以  
天用之名之也賊兵事也鷹應之而已將帥之事

鵙鵙比翼

鵙鵙五方異氣見之矣今重出者爲鵙黃出之周書  
曰巴人以比翼鳥方煬以皇鳥伉儷如皇可也卽如  
比翼不比不飛嫌矣公羊子曰所謂其諸爲其雙雙  
而俱至者歟



鷩黃楚雀

是亦楚產也其美如此

鷩斲木

凡在列宜能有所去

鷩鷩鷩

鷩諸雉

鷩卽上鷩雖善捕魚貶於三狄

鷩春鉏

潔白矣雖自低昂可也故曰不曰白乎涅而不緇後

雉子夏曰禮後乎此之謂也

鷓雉

鷓不能無搖義不足故也

鷓雉

鷓不能無驕禮不足故也

鷓雉

鷓能卜可否鷓則不能也直前而已

鷓雉

鷓雉躁矣釋名云其性愆急不可生服丹鳥氏司閉

亦以其性不能通歟

秩秩海雉

秩秩智也鵠雉青鵠雉白鳩雉黃鷺雉赤海雉黑春  
秋傳曰五雉爲五工正謂此歟鵠所謂白鷺鷥所謂  
赤鷺

鷓山雉

禽經曰山禽之尾多脩水禽之尾多促翟雉文明五  
色能變夷者也字或作狄雉南方也以能變狄爲至  
韃雉鶉雉

所謂賁無色也白賁是已

雉絕有力奮

伊洛而南素質五采皆備成章曰翬

素質義也所謂禕畫此雉焉韋物乃能揮所謂鷹隼醜其飛也翬蓋亦如此彼鷩搖矣鷩晨風屬風搖者也

江淮而南素質五采皆備成章曰鷩

青質仁也所謂綸畫此雉焉物兪乃可搖卽搖無以揮之

南方曰鬯

方以類聚雉南方之物也

東方曰鷓

東方成揄受溼者也

北方曰鷓

雉火也北方希矣且雉獨聞希焉月令季冬雉始雊

是也是月必雷雷不必聞之唯雉爲必聞之

西方曰鷓

禕以素質爲上尊矣

鳥鼠同穴其鳥爲鷖其鼠爲鼯

鷖有漸積鼯頓至焉其實一也漸南方頓北方之事  
鷖鷖鷖如鵲短尾射之銜矢射人

如鵲短尾非務末者也其應物也隨之而已射之銜  
矢射人是也一名墮羿羿之墮者也

爾雅新義卷第十七

譚瑩玉生覆校

爾雅新義卷第十八

宋陸佃撰

釋鳥

鵲鵲醜其飛也鵲

鵲人所喜鵲人或惡之不可以不竦鷹隼擊惡而去之不可以不疾鳶貪而鳥暴其飛也翔尙可錄也鵲積行累功鵲有勞而已故鵲敍鵲上鳧中國之鳥也雁客而已故鳧敍雁上鳶可作而高故鳶敍鳥上鷹可繫而用故鷹敍隼上鳥報人之凶鵲報喜而已故



烏紋鵲上

鳶烏醜其飛也翔

今鴟鳶摩風回翔是也俗呼摩鴟鳶翔而上之名鴟翔而下之名且鴟意在鈔盜低矣音讀从癡以貪故也若所謂有鵯鷦過之曰嚇可謂癡矣

鷹隼醜其飛也翬

郭氏謂鸞竦翅翔布翅翬鼓翅

鳧雁醜其足蹠其踵企

鳧雁短脰其踵企亦性命之情也檀弓曰不至焉者

企而及之且以有蹠也故有企焉莊子所論駢枝是矣彼長者不爲有餘短者不爲不足豈有企也哉

烏鵲醜其掌縮

烏邠本作鳥此本與唐石經同

其掌縮應言足今云掌以能縮故尚之也亦其尾脩故其掌縮短不能不企長不得不縮

亢鳥隴

隴亢地也字从龍龍飛而上亢矣鳥飛而上亦亢也正名鳥隴以此

其嘒嘒

若隴亢矣何可長也且其長以有素焉詩曰以峙其  
粳所謂五十異粳亦以宜有素故也

鷓子鳩

爲其父之淳也故其子謂之鳩鷓子鳩使麋而續之  
鷓子鷓使因而續之孔子曰詩多識於鳥獸艸木之  
名蓋識其名而義從焉有如此者

鷓子鷓

卽上鷓也鷓而不畸可以歸寧矣亦鷓不鬥能寧其  
親者也故曰好勇鬥很以危父母

雉之暮子爲鷓

雉宜精剛今暮而生子鷓矣然子亦謬也

鳥之雌雄不可別者以翼右掩左雄左掩右雌

放勛曰輔之翼之輔有同而已翼異焉

鳥少美長醜爲鷓鷓

卽鷓鷓也語曰黃栗留看我麥黃甚熟此倉庚也其  
顏色聲音一不如少責之如此春秋責盾是也鷓鷓  
凡三見惡之至也倉庚凡四見愛之至也孔子曰書  
之重辭之複其中必有美者焉據此惡亦如之

二足而羽謂之禽四足而毛謂之獸

毛盲也羽字而已禽可擒而得獸不守不能獲禽之異于獸者以輔之者寡故也漢高祖曰項羽有一范增而不能用此所以爲我擒也

鷓伯勞也

今俗呼博勞鳥曰鷓其勞在目鷓以是名之一名伯趙趙刺也倉庚主美伯趙主刺鷓得伯名鷺得稚名元鳥氏伯也伯趙氏伯也猶義所謂仲青鳥氏稚也丹鳥氏稚也猶義所謂叔伯趙應陰主殺德不足稱

也故謂之伯勞官不足稱也故謂之伯鷦然則凡小鳥謂之鷦蓋亦如此鷦稱鷦鷦稱鷦鷦稱鷦是也  
倉庚鷦黃也

鷦而黃可謂美矣詩曰有驪有黃

釋獸第十八

麋牡麋牝麋

多欲而有乘焉欲得矣麋辰不在我也逢之而已  
其子麋

天所長也弭所禁也記曰不麋不卵不妖天

其跡躔

麋爲物迷其跡躔而不解麋爲物驚其跡解而不躔  
鹿善走其跡速而不公狐善疑其跡公而不速故見  
躔而知麋見解而知麋見速而知鹿見公而知狸狐  
獐貉蓋獸以有臭犬得從之以有迹也故人得從焉  
絕有力狄

迷而强大狄也

鹿牡麋

麋假物而乘之若麋不能矣

牝麀

麀比而乘焉所謂聚麀亂在聚爾夏小正曰鹿人從其子麀

國語曰獸長麀麀魚禁鯤鮪卽若蜚蠊舍之而已其跡速

絕有力麀

鹿性相先今取肩焉是較力也詩曰瞻彼中林牲牲其鹿中林無所聞無所見非勉強也

麀牡麀牝麀



麋能吳以相警麋有栗而已詩曰獸之所同麇鹿麋  
麋麋麋有虞而麋不同不能如此所謂儻儻俟俟或  
羣或友又進矣凡此天子所獵原野也以中原言之  
大天子也據升彼大阜從其羣醜

其子麇

其弱可助也

其跡解

絕有力豻

小禽如大獸據獻豻于公

狼牡獾牝狼

其子獬

其強可激也

絕有力迅

迅自迅激或激之

兔子嬾

吐而後兔所謂婉婉聽從婉妻道婉母道聽婦道從

姑道

其跡迹

兔月也不知進退存亡亢矣易日月幾望征凶

絕有力欣

善躍若喜者然然視月而孕有界辨焉

一本少  
一然字

豕子豬

一管三毛可謂諸矣諸眾詞非豪拔也亦豬子眾詞

說文曰竭其尾故謂之豕生子如此尾安得不竭哉

一本豬子下

無眾詞二字

豕獮

豕水也墳大防水之不隨至於決防敗堤以狹故也

么幼

力雖尙么然漸不可長也

奏者獮

眾奏焉溫矣亦溫故眾奏之若寒翟公之門是已今  
寒月蒸豕爲是故也齊民要術云不蒸則腦凍不合  
豕生三縱

豕聽者也三眾矣宜有從焉

二師

三以二爲師書曰三人占則從二人之言從从二人

如此

一特

二以一爲特亦豕生一可謂特矣

所寢櫓

出雖趨卑然其要宿當如此

四猶皆白豨

火乘金雖爲首可也豕如是不得不驚據四蹄皆白  
首豨或从馬易曰履霜堅冰至見馬而駭者也龍戰  
于野凶見豕爾

其跡刻

兔陽物故其跡近豕陰物故其跡刻

絕有力豨

力如是能爲厄矣易曰羸豕孚蹢躅羸猶如此

牝豨

從從焉子道也豨口而一之母道也

虎竊毛謂之戲貓

虎羸蟲毛非其有於虎爲竊在貓尙淺也

獬豸

獬靜也白猶如此莊子曰豐狐文豹棲於山林伏於巖穴靜也然且不免其皮爲之災也

魑白虎

魍黑虎

甘受和白受采魍則止所矣不復有受也

魍當爲魍

豸無前足

無前足有退而已雖出可也故曰求也退故進之

鼯鼠身長須而賊秦人謂之小驢

與鴟同號鴟反倉庚賊仁者也苟爲害小我姑施之

卽若罍雖秦猶惡焉臭勞在目其勞也以其賊也夫  
如是豈有一昔之安哉

熊虎醜其子狗

以其待哺如狗亦有所苟虎可哺如狗雖龍可豢如  
豕

絕有力麤

咸柔在上力之不可尙也如此詩曰維熊維羆

貍子隸

卑身而伏以俟敖者武事也述而承之宜有習焉



獬子貍

肄武事也桓武志也隸述事貍繼志貉善睡無覺無  
作子作而繼之

獬子獾

其父端故其子窶亦端故肥雖窶猶肥也詩曰赫如  
渥赭

貔白狐

以果濟疑可謂成德矣君衣狐白爲是故也若君子  
狐青裘豹袖二而後足

其子穀

其父厚故其子穀詩曰獻其貔皮若征犬戎得四白  
狼以歸雖有夷狄不能執矣

麝父麝足

足亦麝爾其異者香也亦麝足善走矣然不免者以  
香故也父字之美稱也麝父得字以其香在後麝父  
得字以其慮在後

豺狗足

豺柴也瘦名足亦狗爾而異於狗才也故曰堯舜與

人同爾

獬豸似貍

羆如熊黃白文

以黃爲質白以文之謂之羆者此歟在易有之分剛  
上而文柔故小利有攸往

麇大羊

所謂靈臺民始附也如此莊子曰舜有羶行百姓慕  
之

麇大麀牛尾一角

名聚爲麇名走爲鹿變鹿言麇善言麇據麇父麇足  
麇麇身牛尾一角諺曰二足之美有鵠四足之美有  
庶鵠走且鳴庶亦走者其走也以其美也

麇大麇旄毛狗足

旄旄牛也麇鳴喚有白鹿屬憑而安焉

麇如小熊竊毛而黃

狝狝類羆虎爪食人迅走

虎五指爲羆貌雖羆其伏藏乃虎也有見爾契無見  
爾離有見爾兪無見爾拂不爲爾食者鮮矣雖欲不

走其孰容之故公子慶父弑閔公走而之莒莒人逐之將由乎齊齊人不納正言類貍唯其類也是以不疑

狡麇如戲貓食虎豹

狡麇仁之端也然猶如此故曰仁者無敵西方之書言威稱師子若所謂鹽虎是禮之事爾

驕如馬一角

其攜也爲其嫌於龍也

不角者騏

不角故可其焉又騏文如博棋可其焉故詩以刺用  
心之不壹魯頌曰有駉有騏蒼祺曰騏駉很勝順騏  
吉也

獯如羊

羊所美也似之而非可謂原矣

麇麇身牛尾一角

麇亦牛尾一角其相懸者麇言仁麇稱其力也

猶如麇善登木

麇見旨如麇矣而尙登木猶也春秋傳曰猶之爲言

可以已也

獬脩毫

絕類離倫乃可以施肆

羆似狸

其異者狸四爪羆五爪

兕似牛

其異者牛兩角兕一角

犀似豕

犀亦三毛叢居其異者犀有角豕無角

彙毛刺

刺非豪拔故彙類也若豪出類矣



爾雅新義卷第十八

譚瑩玉生覆校

爾雅新義卷第十九

宋陸佃撰

釋獸

狒狒如人被髮迅走食人

見人笑而反食人可謂弗矣然其食人不得已也食人迅走則食人其正也迅走其不得已迅走食人則迅走其正也食人其不得已

狸狐貓豹醜其足蹠

其掌可番也故曰真妄相反譬如番掌及其悟也何

異於縮手乎

其跡瓜

狸善擬貓無放豹無覺無作故其跡與狐無異也

蒙頌猱狀

蒙頌魯頌也魯有王狀序每言頌僖公名生于不足

猱蝮善援

猱以善援其筋骨柔

攬父善顧

攬之字貴也攬未有能顧者徒見金是也

威夷長脊而泥

其弱如此夷狄畏焉若虛僑恃氣者彼將應我矣

麤麤短脰

豬淫穢亦短脰今處

處下當有女字

腰脰纖細既嫁而麤矣

既字而麤矣若所謂鬻驂亦以此所謂小領亦以此小領攝矣鬻驂戒體猶在

贇有力

以虯爲利卞莊子一舉而獲雙虎之名是已音銜銜力若公儀伯折春蠶之股堪秋蟬之翼而力聞天下

唯不銜故

虞迅頭

新故不停迅頭則過矣謂之遽以此

蝓印鼻而長尾

反後以下厂卽印以覆潔適小以上逆此所以言智  
時善察領

以其善乘故曰時易曰時乘六龍

猩猩小而好啼

小而好啼若有慕者然反畏人生矣字从星音从生

以此星言小有慧焉故曰猩猩能言且生故能啼小  
故能啼卽孩而笑所謂帝者遠矣

闕洩多狃

物得乘而狃之以有閒隙故也物雖不可知其名義  
則然

寓屬

凡非所畜者皆寓屬也故禮諸侯不臣寓公

鼯鼠

今之犁鼠有分者也見分而小鼯鼠見兼而小鼯鼠

鼯鼠

食人之禾稼廉者不爲也一名鼯鼠貪者見今不知  
貓在其後

鼯鼠

甘口鼠也以其口甘雖大物死猶不悟且牛順矣鼠  
又甘焉故其禍如此亦奚給使之賤者書曰僕臣諛  
厥后自聖

鼯鼠

虎虎而角然有時而爲鼠

鼯鼠

卽今鼠狼善旋苟有所由其轉旋何有窮已一名往  
生蓋如此

鼯鼠

小而劬者如之一名鼯今俗呼香鼠其香也以積  
精焉

鼯鼠

卽今鼠口君子道長可謂時矣鼠暑也陽積而成歲  
暑自此始矣



鼯鼠

貪竊而吠

鼯鼠

碩謂民力之普存也故詩以刺其君重斂

鼯鼠鼯鼠

鼯終其天年者也夫文亦豈可少哉若烹不能鳴者  
是已經釋鼯鼠以鼯鼠釋豹文以鼯鼠殆非碌碌者  
若鼯鼠等經一施之是乃所謂鼠輩

豹文鼯鼠

虎豹之文庭實也

麴鼠

以在木上故其目勞若所謂首鼠在穴者也

鼠屬

鼠非寓屬亦非畜也

牛曰齝

齝，嚙也。今俗呼轉艸齝怡而後嚙。詩曰：其耳溼溼。嚙而澤怡矣。

羊曰齝麋鹿曰齝

齧洩而後噍齧溢而後噍羊言齧麋鹿稱齧善言鹿屬

鳥曰唳

倭而藏之

寓鼠曰嗛

嗛雖兼猶嫌不倭其位者也

齧屬

齧屬其食也須屬其息也齧屬舉中須屬何以不舉中無中也五然後有中三然後有中

獸曰覺

獸勞在足覺息

原闕依下節  
注文校補

其足亦曰覺獸息而怠

覺或乘之

人曰橋

人勞在手橋息其手亦曰橋民生在勞以橋爲矯

魚曰須

魚勞在須須息其須亦曰須魚弱者宜如此

鳥曰昊

鳥勞在目昊息其目亦曰昊雖息猶守守戒曰魯雞

之不期蜀雞之不支

須屬

須屬言勞齒屬曰佚

釋畜第十九

夫馬幾於龍矣然視豕焉猶在於畜則智可謂崇哉

駒駮馬

野馬

夫馬在野陶然而已矣雖有義臺路寢無所用之彼駒駮者加之以衡扼齊之以月題可謂餘矣

駮如馬倨牙食虎豹

倨而鋸故謂之鋸言倨則鋸見言鋸則倨不見詩曰  
隰有六駮九龍也六馬也乾稱龍坤言馬如此

駮蹄跗善陞顛

所謂合者不爲駮枝者不爲跂是也跗讀如重跗之  
跗跗以其升禹胼胝是已若顏回在陋巷豈有此患  
哉

駮駮枝蹄跗善陞顛

枝蹄樹無用之蹄也是之謂餘造化權輿曰馬陽物

也故蹄圓牛陰物也故蹄圻馬陽物也故馬病則臥  
牛陰物也故牛病則立馬陽物也故起先前足臥先  
後足牛陰物也故起先後足臥先前足然則乾爲馬  
坤爲牛非特爲健順也

小頷盜驪

小頷受制宜非驪也竊黃言竊盜驪言盜善言馬驪  
離爲之黑也

絕有力馘

戎事齊力故絕有力馘龍亦八尺不爲馘者龍不稱

其力稱其德也

膝上皆白惟鼻

凡馬膝以上白不相膝以下白不相蓋曰鼻則作止  
有時焉謂之惟鼻則無時而作也

四骸皆白驢四蹄皆白首

驢蓋以貲贈首蓋朝覲以爲首卓今之戴星馬首今  
之踏雪馬皆上相

前足皆白騃

今俗呼跑雪馬雙白前白不如後白孤白後白不如



前白孤外不孤內孤前不孤後內左也外右也內白  
謂之厭主以此

後足皆白狗

今俗呼踢雪

前右足白啟

右兌也其爲啟陽也其爲驥陰也

左白踦

後右足白驥

左白鼻

左震也其爲踣陽也其爲馬陰也

駟馬白腹駟

上周下殷武王也是之謂武駟火剋金之色據一染謂之繚

驪馬白跨驪

以白承黑湯也記曰夏造殷因因述而因之

白州驪尾本白驥尾白駟

地乘陰竅於山川所謂州竅如此驪燕也驥鳩也駟以是爲良凡馬尾本白相下尾白愈下竅白愈益下

駒頽白顛

覲禮曰匹馬卓上九馬隨之若回所謂卓爾雖欲隨之不得也秦詩鄰鄰言車之眾白顛言特相備也

白達素縣

鼻縣也所謂五官唯鼻爲縣象長鼻牙又爲縣象之字以此縣倒也音讀从元天所謂元人以爲倒凡到無非倒者

面頽皆白惟駮

俗呼孝頭馬惟駮言有雜而已若驄馬初雖雜其後

純所謂七驄八白是也

回毛在膺宜乘

膺有前而已凶也以回爲善宜則有不宜者矣故回  
毛在脇後謂之挾屍在口兩畔謂之銜禍在尾下謂  
之喪門在耳下謂之聽哭在耳後三寸謂之騰蛇

在肘後減陽

今俗呼追風減陽言宜減所作之陽若今減芻秣矣  
在幹第方

今俗呼帶劍第方言宜第所向之方若今不治道矣

在背闕廣

逆毛居駮

有逆而允之宜於無事之時乘而後允或無及矣

爾雅新義卷第十九

譚瑩玉生覆校

爾雅新義卷第二十

宋陸佃撰

釋畜

駮牝驪牡

駮牝驪牡咸也牡曰騶牝曰駮是恆也言駮則龍見  
言驪則黃見據牡而驪牝而黃詩曰乘乘黃乘乘牡  
則黃牝可知又曰比物四驪四驪言物色盛不足則  
夸故也後言四黃約矣黃中也猗不倚也亦驪言牡  
黃言牝牝以柔勝於是爲至

元駒裏驂

黃牝驪牡是生元駒元駒言驂則駮牝龍牡服也

牡曰騫

騫陞也時乘焉

牝曰駮

求而往舍也亦舍見龍之事據時舍也曰者大之也

據羊牡粉牝特夏羊牡踰牝殺不曰

駮白駮

所謂黃駮其馬一則以皇一則以駮以是該之

黃白驪

黃皇也黃白亦皇也繡次無黃白爲是焉

駟馬黃脊驪

驪乾也其爲駟外也其爲黃中也

驪馬黃脊駟

習坎也其爲驪外也其爲黃中也據離之所以爲黑者二也坎之所以爲赤者一也

青驪駟

詩曰乘乘駟黃中也駟猶矣今俗呼鐵驄鐵黑金青



則有鋼焉

青驪麟驪

說文云青驪白鱗文如鼉魚鼉尙龍類也魚魚而已

青驪繁鬣駉

鐵驄也有繁飾焉柔矣

驪白雜毛馮

车相次也故詩以齊首爲進記曰兄之齒雁行朋友不相踰

黃白雜毛馮

詩曰有騅有駉佳一駉不一故詩敘騅駉上

陰白雜毛駉

今俗呼煙驄駉煙也駉霞也詩曰有駉有駉馬火也  
亞而爲煙下矣散而爲霞又下矣詩言維騏維駉維  
駉而魯駉敘之亦如此則馬固自有次第哉火緣也  
烟在火前因也

蒼白雜毛騅

駉騅也在驪白之間騅佳也在蒼白之間

彤白雜毛駉

陰白言陰則彤晴也

白馬黑鬣駱

駱在可以留之域駱落矣雒落矣詩曰有驪有駱有駟有雒

白馬黑脣駘

今俗呼銜烏脣以時啟閉雖小有疵全也黑脣特黃牛也不言黃牛諱也黑喙駟黃馬也不言黃馬諱也春秋之法爲尊者諱恥爲賢者諱過爲親者諱疾蓋如此且牛諱黑脣馬不諱黑脣猶晉文公諱本惡桓

公不諱也

黑喙駟

疵病稍大焉矣高口不正也

一目白矐

矐宋本郭注邢本同釋文从閑云本又作矐

一目白猶有閒也二目白甚矣

二目白魚

馬龍而謂之魚末矣經最後言之以此魯駟最後言之亦以此

既差我馬差擇也

言差不言擇爲其差也故擇而齊之

宗廟齊豪

言豪大之也驪讀如鱣鱣進於魚矣豪骨曰驪豪而  
在下者也釋魚釋鱣不釋鱣鱣進於魚矣釋鮪不釋  
鮪鮪進於魚矣

戎事齊力

田獵齊足

馬屬

摩牛

牛以麻名至矣敍在第一以此莊子曰天下莫大於  
秋豪而泰山爲小

爆牛

領如此爆者也據黼領謂之爆

擺牛

以小見罷殆未有以葉公子高告之者也

犂牛

肉一而足可爲羹矣亦可謂魏矣魏大名

蠶牛

亦其見獵其尾爲之累也

犗牛

犗牛

角一俯一仰觶

角觸也反俯仰苛矣

皆踊翬

宜有制焉易曰其牛翬今亦作犂其義一也

黑脣惇

君子不以小妨大脣雖黑黃尙惇也脣讀从惇爲是

焉今俗呼緣口據緣謂之純全玉也純帛是已馬稱  
全牛言純善言馬

黑背狃

黑浸多非直緣飾也據狐裘豹袖羔裘豹飾

黑耳犂黑腹牧黑腳捲

犂尉而養之牧牧之而已捲圈之而已疵戾浸多故  
其待遇浸薄

其子犢

不告瀆者也



體長狝

絕有力欣假

欣有界辨慶假物而乘之順物能爾可謂有力矣

牛屬

數牛言頭數馬言匹馬經云蹄竅成八字四八  
三十二是爲一匹又曰大腸盤左小腸盤右大  
腸丈四小腸二丈有六是爲一匹傳曰馬蹄噉  
千

羊牡粉

不能羣矣子曰夷狄之有君不如諸夏之亡也

牝羊

以能承上爲臧

夏羊牡羴

很而兪節矣兪而美中國之道也戕而後美夷狄之道羊牡羴牝羊也今俗呼胡羊夷羊在牧則中國衰而夷狄盛謂之吳羊以此黃池之會是矣言羊不言吳羊不與夷狄之抗中國也

牝羴

殺承焉所執下也乘中國之道

角不齊觭

角兵象也有不齊焉危矣

角三脊羴

內則深很而外脊轉可謂險矣

藩羊黃腹

牛順嫌或不剋記黑焉若羊很矣不言勝也記曰很  
毋求勝黃火所生藩滋生之名

未成羊羴

成可立俟也詩曰未幾見兮突而弁兮

絕有力奮

羊不能騁雞雉醜不能飛今如此能自奮故也

羊屬

犬生三獫

犬守者也三眾矣宜有總焉

二師

一獫

凡守所獫在一而已

未成豪狗

卽豪拔不苟矣不言也非狗也謂之狗云爾據老狗也

長喙獫

長喙利觜可謂險矣

短喙獫獠

案獫釋文本作獫注云本或作獫釋文近刻獫譌作獫大非文選注引毛詩亦作獫

歇而驕生焉陶侃運甓惡是也

絕有力狔

物色動猜之矣

尨狗也

尨雜亂非豪拔者然猶不欲使吠惡無禮於是爲至

狗屬

雞大者蜀

雖大有係焉獨而蜀者也

蜀子雞

大者積累之餘或在其後正名蜀子則以有係故也

未成雞健

健以二當一之名若今市鴨鴈大者以一爲健小者

以六以八爲健

絕有力奮

雞屬

馬八尺爲駮

馬八尺疑於龍矣故馬八尺爲龍馬疑於龍必戰故  
馬八尺爲駮馬經曰馬有十祖四祖在地六在天六  
六龍是也四蓋龍八尺駮七尺馬六尺駒五尺

牛七尺爲犝

駮可用戰犝可用享

羊六尺爲羴

咸柔在上彼很而尙人何哉

彘五尺爲豨

小不忍乃至爲患變豕言彘豕不在畜數

狗四尺爲獒雞三尺爲鶡

獒所以自放鶡所以自混全身遠害大者也

### 六畜

馬怒也可作而怒也牛犴也可犴焉羊養也蓋  
非其子而後養之彘滯也陰始凝也犬狷也狗



進取犬有所不爲雞稽也能考時也

爾雅新義卷第二十

譚瑩玉生覆校

附錄

爾雅新義成查許國以詩見惠依韻答之二首

背未成鮐齒未鯢暫時來放五雲低初從荆國猶年少  
久侍神皇見日躋近正銛黃新眼目指南塵土舊輪蹄  
愛君文采真難敵他日橫空是紫霓

探盡驪龍鑿盡鯢明珠未出價猶低晉人已覺螭蜺誤  
漢客仍從豹鼠躋到底錯薪須刈楚從來得免要忘蹄  
他時若綴三經後五色雲中有紫霓

刻爾雅新義既成王穀塏進士出示陶山集載前

二詩因附於後方芝榮又識

右爾雅新義二十卷宋陸佃撰案佃字農師山陰人少從學於王介甫熙甯二年擢進士甲科授蔡州推官選爲鄆州教授召補國子監直講歷轉至左丞未幾罷爲中大夫出知亳州卒於官事蹟具宋史本傳是書 四庫全書亦未著錄阮文達學經室外集有提要一首紀其原委綦詳蓋農師雖出介甫之門而以不附介甫新法故後入元祐黨籍而其學問淵源實本於介甫攷江鄭堂漢學師承記稱余古農撰注雅別鈔專攻是書及埤雅及蔡卞毛詩名物解等書就正於惠松厓松厓曰

陸佃蔡卞乃安石新學人知其非不足辨古農瞿然則我朝治漢學諸鉅儒亦多不滿意於是書矣然阮文達則稱其所據經文皆當時最善之本如釋言摭拄也則作楮柱也皇華也則作華皇也釋天四時和謂之玉燭則作四氣和河鼓謂之牽牛則作何鼓釋邱堂途梧邱則作當途釋水河水清且瀾漪則作瀾漪釋草萍萍則作萃萍葶麻母則作葶麻母蕭荻則作蕭荻卷施草則作卷施草橐囊則作櫻囊各釋木座核慮李則作座核慮李釋鳥楊鳥白鶩則作鶩白鶩鳥鵲醜則作鳥

鵲醜均足以資考證則是書又何可廢耶咸豐乙卯端陽後四日夏至南海伍崇曜跋



爾雅新義跋

陸農師爾雅新義二十卷全謝山先生嘗見之而惜其未鈔後芻求不可得著其說於經史問答中吾友丁君小山乃於京師購得影宋鈔本誠希世之祕冊也農師之學源於荆公說經閒有傳會然其博洽多識視鄭漁仲注實遠過之且其所述經文猶是北宋舊本可以正今監本之譌謬如釋詁之底底不作底廢釋訓之恹恹不作恹恹釋天之四氣和謂之玉燭與李善選注相符監本作四時非也釋邱之當途梧邱監本譌作堂途釋



草之蒙王女監本作玉女雖字畫小差然農師於箭王  
藝注云凡大侑王引此文爲證則非傳寫之誤也蕭菽  
菽字不作荻亦與石經釋文本合釋木之杭魚毒杭不  
作杭蔽者翳釋文明出蔽字今本皆譌作斃釋鳥之鷺  
白鷺監本誤分楊鳥爲二字釋畜之駟白駮黃白皇監  
本白譌作曰皆可據以訂正曩余哀集眾說作爾雅攷  
異惜猶未睹此書今何幸而得補其闕憾也乾隆乙卯  
仁和孫志祖跋